



## पाठ 8

# दन्तेवाड़ा जिल्ला

इद मनाद दन्तेवाड़ा जिल्ला ते रंग – रंग ता मेट्टा माड़ाक मिंदे। सोन कल्क , माल कल्क मिंदे । रान ते वो डुव , लुप , मल करसोड़ रान ताद नेल्ला कियामुन्ता इच्चोर नेल्लाताद जिल्ला ते मनाल पुटताल आवुर तेनु राका कियाकाल । इव माटा कविता पाटा ते केत्ता मुन्तोर ।

मनवा दन्तेवाड़ा जिल्ला  
बेच्चोर नेलोटा इद जिल्ला  
रंग – रंग तोर मुल इगाय  
मुयतोर डोकड़ी मुत्ते पिल्ला  
दन्तेवाड़ा जिल्ला .....



संकनी(लाल कुयेर)– डंकनी(डुमाम कुयेर) कुयेर इगाय  
यायोन गुड़ी इगाये  
यायोन मन्नाल मोड़काकालू  
जय दंतेश्वरी केल्ला  
दन्तेवाड़ा जिल्ला .....

गुप्पा ऊडाट बिड़िया – बिड़िया  
 मेट्टा सुड्ला बिड़िया  
 लुप कोवे डूव रान ते  
 मल एंदीता जिलमिल्ला  
 दन्तेवाड़ा जिल्ला .....



मोइत्ता कच्च बैलाडीला  
 कोरेंदम कल्का सोन्ता मोला  
 तोंगपाल ता टीना नरगे  
 पेइता मुन्ता ऊडाट पिल्ला  
 दन्तेवाड़ा जिल्ला .....

टेका , अंग माड़ाक इगाये  
 वेंगू वेहुइर इगाये  
 जीरा , कूक बोहुम मिंग्ता  
 तिन्नुट सियान पिल्ला  
 दन्तेवाड़ा जिल्ला .....



ईलेता भूम ते पुटताल  
 इद मंडुल ते पेड़स्ताल  
 इद भूम तुन मोड़कऽ कालू  
 मनवा सोबातऽ जिल्ला  
 दन्तेवाड़ा जिल्ला .....

कच्च बेद मेट्टा ते पेड़तिता ?  
 टीना बेग्गा दोरकीता ?  
 इग लिका कित्ताव ।

### प्रश्न और अभ्यास

इव कविता पाटा कीन जोड़ा— जोड़ा कीस पारा। इव कविता पाटाकीन कोंडे तोड़कीन पोढ़ेम आया केल्ला आवुर ओड़— ओड़ लाइन तद मतलब पूछा कीम।

### प्रसन तव उत्तर रासाकीमुट

प्रसन 1— क. कूऽक , बोहुम तितके बाले मन्ता ?

ख. बातऽ — बातऽ माड़ाक दंतेवाड़ा जिल्ला ते मिन्दे ?

ग. सोन्ता मोला बेव कल्क मिन्दे ?

प्रसन 2— कविता पाटा रासा कित्तरोर दंतेवाड़ा जिल्ला तुन बेसुन त जिल्ला इंजो केत्तोर ?

प्रसन 3— रान मंदानव जनवार , पिट्टेन बिलोक – बिलोक रासाकीमुट ।

| क       | ख     |
|---------|-------|
| डूव     | मल    |
| केरियाड | एडज   |
| लुप     | दिरदो |
| मैनाम   | रसनय  |

प्रसन 4— रेडासो बागा तव माटा टेंडी कविता पाटा तुन पूरा कीमूट ।

|                   |                      |
|-------------------|----------------------|
| क. गुप्पा ऊडाट    | क. संकनी डंकनी       |
| ख. माडाक इगाये    | ख. नरगे पिल्ला       |
| ग. पेइत्ता मुन्ता | ग. बिड़िया – बिड़िया |
| घ. कुयेर इगाये    | घ. टेका , अर्ग       |
| ङ. ते पुटताल      | ङ. ईलेता बूम         |
| च. सोन्तामोला     | च. कोरेंदम कल्क      |

प्रसन 5— कविता तिना इव माटा आची वेंड रासाकीमुट –

- क. पेइत्ता कच्च इंजो केत्तोर ।
- ख. तोंगपाल ता टीना केत्तोर ।
- ग. टेका अर्ग माडाक केत्तार ।
- घ. इद बूम तुन केत्तोर ।

